

From
Synod Literature & Publication Board
Synod Office
Mission Vêng, Aizâwl – 796 001
Mizoram



Telephone : 6909132893
e-mail : synodnews@gmail.com

Vol. XL No. 8 A man ₹1/-

NEWSLETTER

AUGUST 2025

LÂWRKHAWM

OFFICE BAN HUN SAWN

SEC 313:34 of 25–27 June, 2025 chuan nipui laia (March–August) Synod Office bân hun chu tlai dâr 4:30-ah a sawn a. Hei hi July ni 1, 2025 aṭang khân hman ṭan a ni.

LAY LEADERS TRAINING

SMTC chuan June 16–20, 2025 khân Lay Leaders Training vawi 232-na a buatsaih a. Hetah hian Presbytery pakua – Tuivawl, Aizâwl Hmârçhak, Aizâwl Central, Aizâwl West I, Aizâwl West II, Chhimphei, Tuipuirâl, Bairabi leh Ramlai Presbytery aṭangin Upa 36 leh Maturam Synod (Myanmar) aṭangin Upa pakhat, an vaiin Upa 37 an tel.

KṬP-IN LAWMMAN DAWNG

MSACS leh Association for Voluntary Blood Donation (AVBD)-ten World Blood Donor Day puala thisen petute chawimawina hun an buatsaihah CKṬP aiawhin Rev. H. Lalawmpuia, Leader leh Tual Upa Lalremsiama Khiangte, Committee Member-te an tel. Hetah hian KṬP chuan Religious Category-ah thisen pe tam ber lâwmmán leh Overall Category-ah pahniha a dawng a ni.

SHSS-IN THISEN PE

Ni 9.6.2025 khân Synod Higher Secondary School (SHSS) chuan Aizâwl Civil Hospital tân School Multipurpose Hall-ah Blood Donation Camp a buatsaih a. Thisen hi unit 221 (Mipa 148 leh hmeichhia 73) pèk a ni. HSS category-ah SHSS hian kum 2020–21 session aṭang khân kum tin thisen pe ṭha ber chawimawina a la dawng zêl a ni.

SYNOD EXECUTIVE COMMITTEE VAWI 313-NA A ṬHU

June 25–27, 2025 khân Synod Executive Committee (SEC) vawi 313-na chu J.M. Lloyd Hall, Synod Office, Aizâwlah a ṭhu a, member 136 an kal. Committee hi Rev. R.C. Lalngâkiana, Synod Moderator-in a kaihrui a; Upa Vânlalsâwma Siakêng, Synod Secretary leh Rev. Dr K. Lallâwmzuala, Finance Officer-ten report an pe.

Secretary report-ah hian KṬP Rorêl Inkhâwm leh Kohhran Hmeichhe Inkhâwmpui Lian tuang taka zawh a nih thu te, Upper Assam Mission Field hawn a nih thu te, Masihi Sangati (Kâwl) pastor induction neih a nih thu te, Bairabi Presbytery thar hawn a nih thu te, P.C. Wales General Assembly hmanpui tûra sâwmna dawn a nih thu te, Pu Vânlalngaiian Synod hnêna ram a pèk thu te, Mizoram Presbyterian Kohhran leh Presbyterian Church of Myanmar-te thawh dunna atân Partnership Working Committee din a nih thu te, Magnetic Resonance Imaging (MRI) khâwl thar lei a nih thu te, Presbyterian Church, Wales aṭangin Synod Hospital, Durtlâng leh John Williams Hospital, Lungleia nau neihna ward

(Maternity Ward) leh Synod Hospital, Durtlâng K. Ward tihchangtlunna tûr ṭanpuina dawn a nih thu te, Nephrology Ward thar hawn a nih thu te, ruihhlo ngaite pual camping neih a nih thu te târ lan a ni.

Tûn ṭumah hian thurêl tûra chhawp chhuah 57 a awm a. Chûng zîngah chuan Synod House Style en ṭhat chungchâng te, Manipur Synod leh Zou Synod nêna thawh hona thuthlung pawh sei chungchâng te, Music Instructor post ruak pakhat hnawh khah chungchâng te, ATC Library Building chungchâng te, PRESCOM Manual 2022 leh KṬP Inkaihhuaina en ṭhat chungchâng te, Kum 2028 Nilai leh Beihruai thupui Lesson Plan chungchâng te chu a langsar zual a ni.

CHHUNGKAW KEH CHHIA ZIR CHIANNA SEMINAR

Family Guidance & Counselling Centre (FG&CC) chuan ni 7.6.2025 chawhma dâr 10:30 khân Ramhlun North Kohhran Biak Inah 'Chhûngkaw keh chhia zir chianna seminar' a buatsaih a, kohhran aiawh mi 416 an kal.

Seminar hi hun hniha ṭhen a ni a. Chawhma lam hi Rev. Lalfakzuala, FG&CC Committee Member-in a kaihrui a. Rev. Dr K. Lallâwmzuala, Executive Secretary i/c FG&CC-in Keynote Address a sawi a. Upa Lalnunsiamâ Khâlthangin 'Chhûngkaw keh chhia zir chianna' paper a buatsaih chu a chhiar.

Chawhnu lam chu Rev. C. Lalrintuanga, FG&CC Committee Member-

in a kaihrui a, Rev. Lalthangpuia Fanai, FG&CC Director-in report a pe a. Chawhnuah hian sawi hona hun hman a ni.

Tûn ṭum seminar hi Aizâwl hmâr lam tâna buatsaih a ni a. Ni 22.3.2025 khân Aizâwl chhim lam tân buatsaih a lo ni tawh baw. FG&CC hian kum 2023 Synod thurêl bawh zuiin he seminar hi District khawpui tinah buatsaih zêl a tum a ni.

SYNOD Newsletter

EDITORIAL STAFF

Rev. P.B. Zosâphara
Rev. Dr K. Lallâwmzuala
Upa F. Lalthlamuana
Lalremmawia

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Editorial



MOBILE PHONE HI

Kum 2002 vêl ațangin Mizoramah mobile phone kan hmêlhriat țan a, tûnah chuan awm lohna khua a awm tawh âwm lo ve. Kum 2005 vêlah Nokia 1100 nêl BSNL sim card duhin kan in-line tlaivâr țhîn kha a ni a; tûnah chuan nuai chuang man hûm an awm ta fur mai. Heti lamah hian hmasâwnna hi a zuanin a zuang tih theih a ni.

He hmasâwnna hi a țha zâwnga sawi tûr tam tak a awm a ni. Office-a hnathawkte tân a țangkai hle a, zirlai rilru nei deuhthe chu a țha zâwngin a pui nasa hle bawk a ni. Sawrkâr lamin bill hrang hrang pêk theih nân a hmang ta bawk a, buai taka bill pe tûra intlar ngai ta lo pawh hi thil lâwmawm tak a ni. Chhûngkua, țhenrual țha hla tak taka mite hmun leh hmuna inkâwm ang maiin min hnûk hnai a, upa lam phone hmang theite khawhar a hnêm hle bawk.

A țhatna kan sawi rualin mobile phone-in a chhe zâwnga nghawng a neih sawi tûr tam tak a awm bawk. Țhalai nun a khawih danglam nasa hle a, an hun âwl tam tak hi game chi hrang hrang khelh nân an hmang a, film țha lo en nân an hmang bawk a, zân an men rei phahin an thawh tlai phah, ti ila a sual âwm lo ve. Naupang zualah pawh mobile phone hman thiam loh avânga enkawl ngai an tam tawh nia sawi a awm bawk.

Hetiang a nih avâng hian chung tinte a țha zâwnga hmang thiam tûra kan inzirtîr uar deuh deuh a ngai a ni. Biak in leh hun pawimawhah chuan, ri chhuak thei lo tûrin dah ila. Mi kan biak pawhin ring lutuk lova biak tum a țha. Inlêngte awm laia phone khawih reng te hi a mawi lo a ni. Kristiante chu, hmasâwnna hrang hrang lo thleng hi a țha zâwnga chhawr thei tûra kan inbuatsaih zêl a țul a ni.

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Bûngtlâng Bazar	Vânduaina			Phùllên Vêngthar	Lei min tuar	1	15,000
Vêng leh Vênglai	tâwk	6	69,000	North Lunglêng	Khawsak harsa	1	10,000
Thingsai	Lei min tuar	2	24,000	Sihhmui	Damlo	1	10,000
Ramthar North	Damlo leh			Tlângpui	Damlo	1	10,000
	khawsak harsa	2	20,000	West Phailêng	In kâng	1	10,000
Champhai Bethel	Lei min tuar	1	15,000	Thinglian	Damlo leh lei min tuar	4	85,000
Buangpui	In chhia	1	15,000	Sêrchhîp – P&E Vêng			
Lailak	Lei min tuar	1	15,000	leh AOC Vêng	Lei min tuar	4	58,000
Siahatla	In chhia	1	15,000	East Phailêng	Khawsak harsa	2	20,000
E. Lungdâr Vêngthar	In chhia	1	15,000	Aibâwk	Damlo leh		
Assam Rifles Kohhran	Damlo	1	10,000		lei min tuar	2	17,000
Chawilung	Damlo	1	10,000	Bûngtlâng Vêngsâng	Lei min tuar	1	15,000
N. Chawnpui	Damlo	1	10,000	Zohmun	Lei min tuar	2	10,000
Thênzâwl Field Vêng	Damlo	1	10,000	Mêlriat	Lei min tuar	1	10,000
Chhîppui	Lei min tuar	1	10,000	Bâwngkâwn Shalom	Lei min tuar	1	8,000
Saichal	Lei min tuar	1	10,000	Vânbâwng Kohhran	Khuarêl chhiatna		50,000
Barak Area	Tui lian tuar	77	5,51,000	Sailâm Kohhran	Retaining wall		
Keitum Dinthar leh					siam nân		50,000
Keitumkâwn	Lei min tuar	5	64,000	Zuangtui, Muanna			
Sialsûk leh Sailâm	Damlo leh			Vêng leh Muthi	Lei min tuar	3	50,000
	lei min tuar	6	52,000	Kêlkâng	Damlo	3	30,000
Lungpho	Lei min tuar	3	43,000	Champhai Kanan	Lei min tuar	2	26,000
Vaivakâwn Vêngthlang	In chhia	3	39,000	Ngopa Chhim Vêng	Lei min tuar	1	20,000
Electric Vêng leh	Damlo leh			Rullâm	Damlo	2	20,000
Electric Vêngthlang	lei min tuar	3	38,000	N. Dîltlâng	Khawsak harsa	1	10,000
Tualchêng Kohhran	Lei min dâwlina		30,000	Buarpui	Damlo	1	10,000
Kâwkulh	In chhia	1	18,000	Belh khâwm			16,27,000

Socia Front-in Campaigner-te ko khâwm: Synod Social Front chuan ni 18.6.2025 khân a hnuaia campaigner-te ko khâwmin, briefing & discussion hun an hmang a, campaigner mi 53 an kal. Hetah hian Rev. Dr K. Lallâwmzuala, ES i/c Social Front-in hun a hmang. Campaigner hi 64 an awm mêk a, thupui chi hrang hrang kengin Bial leh kohhran hrang hrang an feh chhuak țhîn a ni.

Pastor Quarters en: Ni 9.6.2025 khân Pu Lalramênga Royte, JE chu Sihfa Bial Pastor Quarters lungrem tûr enin a kal a; ni 13.6.2025 khân Bûngtlâng Bial Pastor Quarters sak thar tûr en felin a kal bawk a; ni 3.7.2025 khân Kâwnpui Pastor Quarters siam țhat ngaite en felin a kal bawk.

MCC building sak mêk en: Ni 1.7.2025 khân Synod Trust Department Monitoring Team leh Contractor, Upa C.T. Mawia-ten Mizoram Christian College (MCC) sak mêk an en.

Campus Ministry: June ni 20–22, 2025 khân Vânzau Bialah hun hman a ni a. Rev. H.L. Thianghlima, Director; Tv. Lalrin-chhana, Counsellor leh resource person mi 5 bâkah zaithiam NI. Melody Lalzirliani-te an kal.

Ni 20.6.2025 khân Vânzau leh Leithûma sikul hrang hrangah hun hman a ni a; Upa Lalnunsiam Khâlthang, Upa K. Lalêngzâma leh Pu C. John Saipârliana-ten hun an hmang. Ni 21.6.2025 khân Vânzau Kohhran Hall-ah bial chhûnga Kohhran Committee Member-te pualin Apologetic Seminar buatsaih a ni bawk a, hetah hian Rev. Dr Rosiamliana Tochwawng, Executive Secretary leh Pu Joel Lalbiakkima-ten hun an hmang.

June ni 26&27 khân PES, Cherhlunah Rev. H.L. Thianghlima, Director; Tv. Lalrin-chhana, Counsellor; Upa Lalnunsiam Khâlthang leh Pu C. John Saipârliana-te an kal a, zirlai nu leh pate nêl 'Nu leh pa zân' an hmang bawk.

Râl Vêngtu

Râl Vêngtu chu thuam famkim nêr râl vên bûk aṅga lo chhuakin, bûk bula awmte hnênah chuan he thu hi a rawn sawi a:

“Kristiante u, Chanchin Ṭha in dawn aṅga chhût chuan puitling ṭhuau tawh tûr in ni maw le! Kristianin bu a khuar tîr kha chuan nun a thianghlim a, diknain ringtu nunah hmun a luah thuk êm êm a, mi hmuh lai leh mi hmuh loh laia an nun kha a danglam chuang lo asin.

“Tûnah chuan biak in chhûnga Pathian in fakna nun hian pân lama in nun a khawih ta meuh lo em maw tih mai tûr a ni ta. In eizawna a hlâwk dâwn phawt chuan dâwt sawi leh dâwta thil tih in hreh ta lo. Kûrtai pawh a hmêl tihmawi nân leh hlâwk nân chini, mai leh thil dang pawh in pawlh ta zêl a. Chini leh mai pawlh khua nih in duh leh dêr baw si lo, pawlh in awm rêng tho si. Mi in bum ṭhin avângin mi dang pawh rin har in ti ta fur mai a nih hi.

“Ka sawi zel dâwn, in beng lo chhi zêl teh u. In thingzai zawrhte hi châtîn chu châtîn tling mai rawh se. In balu hralhna ṭin a lai thêp ziah te hi a fel lo. In thil tih avângin Kristian châtîn, Kristian bûklung tihte a pian tâk dêr hi. Phaia in lâkna anga in hralh vek pawhin in la hlâwk cheu te hi a mak asin. In thlai zawrh lah a ṭha lai in pho lan siau laiin a kaurau lai chu hnâhin in tuam mâm thân thung a. A leitu tâna ei tlâk hauh loh in zep hrâm te hi sim daih rawh u. Kristian ramah hian dikna leh thil ṭha tih duhna lo lian ber zêl rawh se.”

A thusawi ngaithlate chuan, “A sawi dik hle mai. Biak in lamah thu kan sawi tui a, kan ngaithla tui a, kan lâm tui viau va. Chutih laiin Pathian thu nunpuina lamah ṭan kan lâk a lo ngai viau a nih hi,” an ti a. Mahni in lamah an haw leh ta hlawm a.

SYNOD HOSPITAL, DURTLÂNG THILPÊK DAWNTE

(June 2025)

I. CHARITY FUND PETUTE			
1. Pi Lalremi, Zêmbâwk North	5,000	24. Phûlpui Kohhran	20,000
2. Dr Lalmalsâwma Nghâka		25. N. Vanlaiphai Damdawi Vêng	
D-3 Business Enterprise	5,000	Pastor Bial	7,650
3. Pu Zodinliana, Mission Vêng	2,000	26. Hnahthial Pastor Bial	20,000
4. Miss Nunui Rualhlêng, Aizâwl	5,000	27. Zuangtui Pastor Bial	50,000
5. Pi Chawngchhingi, Mission Vêng	1,000	28. Synod Lay Workers Fellowship (Lay	
6. Zârzokimi, Teacher, PC Girls School,		Day wavi 49-na puala thawhlâwm)	1,41,600
Mission Vêng	42,210	29. Khatla Pharmacy	2,000
(A lehkhau ziah 'Damdawi in thu' tih hralhna		30. Central YMA	15,000
bâkah copy 1,006. Copy 1,006 hralhna hi		Belh khâwm	5,49,190
Charity Fund-a lût tûr a ni baw.)			
7. Pu Victor Zothansânga, Mission Vêng	1,000	II. THISEN PETUTE	
8. K. Lalrohluah leh Linda			Unit zât
Tuihiang Vêngchhak	2,000	1. K.Ṭ.P., Model Vêng Branch	34
9. Hming thup	1,000	2. K.Ṭ.P., Sairâng Pastor Bial	81
10. Well Wisher	2,000	3. K.Ṭ.P., Durtlâng Pastor Bial	73
11. KṬP, Bâwngkâwn		4. Y.M.A., Tuikhuahtlâng Branch	36
Shalom Vêng Branch	30,000	Belh khâwm	224
12. KṬP, Zuangtui Pastor Bial	20,000	III. THIL DANG PETUTE	
13. KṬP, East Phailêng Pastor Bial	4,440	1. KṬP, Dârlâwn Vêngghlun Pastor Bial –	
14. Maubâwk West Kohhran Hmeichhia	30,000	Hmunphiah 204.	
15. Thingsûlthliah Pastor Bial		2. Zâwnuam Vêngthlang Kohhran Hmeichhia –	
Kohhran Hmeichhia	15,000	Hmunphiah 23.	
16. Maubâwk Pastor Bial		3. Himali Pastor Bial, Chanmari, Aizâwl –	
Kohhran Hmeichhia	20,000	Nephrology Ward tân wall fan 5.	
17. Dârlâwn Vêngghlun Pastor Bial		4. Joshi Family Foundation, Delhi – Palliative Care	
Kohhran Hmeichhia	10,000	tân ₹60,000/- (singruk)	
18. Champhai Vêngsâng Pastor Bial		5. Chief Medical Officer, Aizâwl East District –	
Kohhran Hmeichhia	15,000	ORS fûn 125 leh Zinc Tablet 300.	
19. Republic Vêng Pastor Bial		6. AM Medical & Surgical, Guwahati – Mini Magic	
Kohhran Hmeichhia	40,000	Water Dispenser (₹14,490/- man hu)	
20. Dâwrpui Vêngthar Pastor Bial		LAWM THU SAWINA: Hospital mamawh chi hrang	
Kohhran Hmeichhia	22,290	hrang petute chungah Pathian hmingin lâwm thu	
21. Sihphîr Pastor Bial		kan sawi a. A lêt tam takin Pathian malsâwmna lo	
Kohhran Pavalai Pâwl	10,000	dawng zêl ang che u. Thil pe duh tân Director (94361	
22. Kolasib Electric Vêng Kohhran VBS	6,000	41739) leh Nursing Superintendent (94361 52751)-	
23. Lungdai Kohhran	4,000	te hnênah eng lai pawhin inhriattîr theih a ni e.	
		Rev. R. Lalvulluaia	
		Chaplain Sr, Synod Hospital, Durtlâng	

PHBS Graduation Day wavi 74-na: Ni 13.6.2025 chawhnu dâr 2 khân Presbyterian Hindi Bible School (PHBS) chuan Armed Vêng Kohhran Hall-ah Graduation Day wavi 74-na a hmang. Tûn ṭumah hian Mizoram leh Mission Field hrang hrang aṅga lo kal zirlai 17 (Mipa 13 leh hmeichhia 4)-in ṭha takin an zir chhuak a ni.

Social Front: June ni 28&29, 2025 khân E. Lungdâr Bialah ruihlo ṭhat lohzia inzirtîrna campaign hmanpuiin Upa Peter Zohmingthanga, campaigner a kal a. Ni 29.6.2025 khân College Vêng Kohhran, Kolasib-ah Social Media chungchâng Awareness Campaign hmanpuiin Upa

Lallianmawia, campaigner a kal a. Hemi ni vêk hian *Bûngkâwn Kohhranah* Social Media, Mipat Hmeichhiatna leh Moral Reform Awareness Campaign hmanpuiin Rev. Dr KM Vânlalpêka, campaigner a kal baw.

HSLC 2025 result ṭha lâwm: June ni 18, 2025 chawhnu dâr 1 khân J.M. Lloyd Hall, Synod Office-ah Presbyterian English School (PES) hnuaia HSLC 2025 result ṭha lawm a ni. Rev. R.C. Lalngâkliana, Synod Moderator-in thu sawiin mi mal ti ṭhate hnênah lâwmman a sem a; Rev. Dr Rosiamliana Tochwang, ES i/c Education-in thu sawiin sikul tiṭhate hnênah lâwmman a sem thung.

SMB-IN SEMINAR BUATSIAH

June ni 11–13, 2025 khân Synod Office Devotion Hall-ah Synod Mission Board hnuai Headmaster leh Office Assistant (OA) tharte tân seminar buatsaih a ni a, Field hrang hranga Headmaster leh OA thar mi 14 an tel.

KRISTIAN THALAI PAWL**♦ One Day Seminar-ah tel**

Ni 19.6.2025 khân MSACS buatsaih, *One Day Seminar on Drugs Abuse in Mizoram*, Taxation Department Conference Hall, MINECO-ah Committee Member-te – Pu David Lalruatfela leh Upa Lalbiakfela-te an tel.

♦ Hmârchhak Presbytery KṚP Meet

June ni 27–29, 2025 chhûnga hman Hmârchhak Presbytery KṚP Meet vawi 7-na, N.E. Khawdungsei Kohhran Biak Inah CKṚP hruiute – Pu C. Lalkhawngaiha, Assistant Secretary; Tual Upa David Lalfakawma, Committee Member leh Mizoram Synod Choir-te an kal.

KOHRAN HMEICHHIA

Ni 21&22.6.2025 khân Leadership Training leh Kristian Chhûngkaw Campaign hmanpuiin hetiang hian Kohhran Hmeichhe hruiute an chhuak:

Rêngdîl Bialah Pi Vânlalthlamuani (Vice Chairman), Pi Lalthangmawii, Pi K. Remmawii leh Pi Lalrokimi; *Kawrthah Bialah* Pi Lalmalsâwmi Sailo, Pi Lalmani leh Pi Vânlalsângi; *Lunglei Bazar Vêng Bialah* Pi Vânlahluni (Treasurer), Pi Zohmangaihi leh Pi Tlângthanpâri.

ZAI HRUAI TRAINING

June ni 18&19 khân Champhai leh Ruantlâng Bialah Zai Hruai Training pein Pu H. Lalrinmawia, Senior Music Instructor leh Pu T. Laldintluanga, trainer-te an kal.

RAMTHAR CAMPAIGN

Ni 22.6.2025 khân Sesawng Bialah Ramthar Campaign hmanpuiin Upa F. Lalremthanga, Upa S. Lalthanga, Upa Saithanzuala, Pu R. Lalringliana (Supervisor of Schools), Pu H.T.C. Chuaukhûma, (Mission Promoter) leh Pu B. Lalringliana (Mission Promoter)-te an kal.

TIHDIKNA: Synod Newsletter, July 2025 phêk 1-na 'Lâwrkhâwm'-a ram inhlan hriatpuitu 'Upa K. Zoremthanga' tih kha 'Upa K. Zoremsânga' tih zâwk tûr a ni e.

CCM-IN SEMINAR BUATSIAH

Council of Churches in Mizoram (CCM) chuan a tum thumna atân ni 14.6.2025 khân Lungleia Zotlâng North BCM Kohhran Biak Inah seminar a buatsaih a. Chawhma lamah paper, 'CCM lo pian chhuah dân leh hma lam thlîrna' tih chu Rev. Dr Lalmangaiha, CCM General Secretary-in a sawi a; chawhnu lamah sawi ho a ni.

MUSIC RECITAL HMANG

Synod Music School chuan June ni 28, 2025 khân Pi Zaii Hall, Synod Conference Centre-ah Recital vawi 8-na a hmang. Recital-ah hian piano zirlai mi 74, violin zirlai 13 leh vocal zirlai mi 15-ten thla ruk chhûnga an zirte mawi leh thiam takin an pho lang a, zirlai nu leh paten an ṭawiam baw. Zirlaite hi certificate pêk vek an ni.

MSSU ZIRTIRTU TRAINING

Sunday School zirtirtu training pein hetiang hian MSSU trainer-te an chhuak:

Ni 21.6.2025 khân *Ramrikâwn Kohhranah* Upa Dr Lalmachhuana, Upa R. Vânlalhruaia leh Upa C. Lalbiaksânga; *Zonuum Bialah* Upa Lalthanchhûnga, Upa Isak Zârzoliana Chhangte leh Upa Lalsiammawia Pachau; *Zohmun Bialah* Upa K. Vânlalngâka leh Upa H. Lalnginglova. Ni 28.6.2025 khân *Chhawrtui Kohhranah* Upa B. Lalmunliana, Upa Zionpârîawma leh Upa Danny Lalremmawia. Ni 5.7.2025 khân *Chawlhmun Bialah* Upa Hriithansânga, Upa B. Hmingthanruala leh Upa Lalrinawma Râlte; *ITI Vêngchhak Kohhranah* Upa K. Vânlalngâka, Upa Isak Zârzoliana Chhangte leh Upa H. Lalnginglova.

SUM VAWN DAN TRAINING

Ni 28.6.2025 khân Chawnpui Bialah Sum Vawn Dân training pein thawktute – Pu Zaihmingthanga Fanai leh Upa Vânlalrâwna Khiangtête an kal.

NATIONAL SEMINAR BUATSIAH

June ni 5&6 khân Mizoram Christian College (MCC) chuan 'National Seminar on Breaking Barriers: Paradigm Shift in Socio-Political and Cultural Discourse of North East India' tih thupui hmangin Aijal Club-ah National Seminar ni hnih awh a buatsaih. He seminar-in a tum ber chu – India hmârchhak ramte khawtlâng nunphung, ram inrêlbâwlna leh an hnam ziate inher danglam dân zir chian a ni.

SL&PB**♦ Literature Seminar**

Synod Literature & Publication Board aṭangin Literature Seminar hmanpuiin hetiang hian an chhuak:

June ni 17–19, 2025 khân *Zobâwk Bialah* Rev. P.B. Zosâpthara, Editor leh Pu Eric Lalnunmawia, OA. June ni 20, 2025 zân khân *Tuikual North Kohhranah* Rev. P.B. Zosâpthara, Editor leh Upa K. Lalthâwmmawia, BEC Member; leh *Tuikual South Kohhranah* Pi Rinsailovi, Joint Editor leh Pu Zohmangaiha, Assistant Editor. June ni 21&22 khân *Chhingchhîp Mualpui Kohhranah* Rev. P.B. Zosâpthara, Editor leh Pu Lalremmawia, OA.

♦ Mizo ṭawng zir ho

Ni 30.6.2025 nilêng khân Bethlehem Pastor Bialah Mizo ṭawng humhalh chungchâng zir hopuiin Pi Rinsailovi, Joint Editor leh Upa Prof. H. Lalthanzâra, BEC member-te an kal.

DAMDAWI IN DINHMUN

Tûna Synod Hospital, Durtlâng leh John Williams Hospital, Lunglei dinhmun chu hetiang hi a ni:

Synod Hospital, Durtlâng

Khum awm zât	355
Doctor	37
Nursing Staff leh Sister	155
College of Nursing-a thawk	24
Para Medical Staff	41
Thawktu dang	104
Thawktu zawng zawng	361

John Williams Hospital, Lunglei

Khum awm zât	30
Doctor	4
Staff Nurse	23
Thawktu dang	37
Thawktu zawng zawng	64

MCC RESULT THA

Mizoram University-in Even Semester 2025, Choice Based Credit System (CBCS) Under Graduate exam result a tihchhuahah Mizoram Christian College (MCC) aṭanga Final Semester Exam result neih dân chu hetiang a ni: BBA-ah zirlai 8 aṭangin 8 an pass kim vek a, Top 10 Rank Holders – University pumah 7-na leh 10-na dinhmun an hau. Commerce-ah zirlai 17 aṭangin 16 an pass a (94.12%). Arts Stream-ah zirlai 43 aṭangin 40 an pass baw (93.02%).